

# УДАРНИК

8 Апрель  
1936 ар  
№ 21 (248)

П-ПУРГА ВВП(6) Райкомлэн но Райсполкомлэн органы

(— АДРЕС: М-Пурга УАССР —)

## Умой, шулдыр улонэз кырзан

Куинетй апреле колхоз'эсын но школаосын, культура бордын ужасьёс, дышетисьёс, культурмөөц'ёс но колхоз'эсысь знатной мурт'ёс люкасынызы.

С'езде лыктэм делегат'эслэн мылкыдзы умой. Соос ас эш'эсынызы пумиськыса, культура ужын азинскем'эс, пöртэм опыт'ёс сярсь верасько, тырмытэ интыосыз пусьыса, соосыз быттыны кулэ луись ужрад'ёс сярсь верасько.

Культурно-просветительной ужын ужасьёслэн с'ездазы 200 мурт делегат'ёс участвоват каризы. Соос пöлын 50 процентэз нылкышноос.

С'езд культурно-просветительной ужлэн состояниез но 1936 ар азын сыдсь ужпум'ёс но школаосын уж'ёс сярсь доклад'ёс кылйз. С'езд озьы ик 1936 арлы культурно-просветительной ужпум'я план кутйз.

С'езд таин чöш быдэсак районин но озьы ик нимаз-нимаз колхоз'эсын самодеятельной искусстволэсь будэмзэ но эскериз. Делегат'ёс Кутер-кугон, „Каганович“, „Сталино“, „Коммунист“, Удмурт-Бобья, „1-май“, „Кирово“ но Б-Бигра колхоз'эсысь драматической кружок'эслэсь выступлениоссэс учкызы.

## Культурник'эслэн с'ездазы

Смирнов эшлэн верам докладсытыз

Культура повна нюр'яськон — гожтэт тодымтээн, сое öжыт тодэмэн, чылкыт понна, ужез культурно ужан, шулдыр, шүм потса улон повна нюр'яськон луэ. Культурно но зажиточно улон повна нюр'яськон — культурник'эслэн нырисетй ужзы луэ.

Техникаез килытытэк, культураез улонэ пычатытэк азямы сыдсь уж'ёсмес быдэс'яны ум быгата. Техникаез килытэм бордын материальной улон но пыквьскемын. Нош культура но материально умой улон кусказы герзаськемын. Колхозник'эс валасез, аслэсэлэсь грамотазэс йылтон бордын ужало. Асьмеос музыкальной, драматической кружок'эсын ляб кивалтиськомы. Соосыз кулээз'я ум дун'яське на. Озьы ке но колхозной массаос та уж борды асьсэос кутско ни.

Талы пример „Юж-пурга“ колхоз возматэ. Веранэз öвöл, пöртэм кружок'ёс мукет колхоз'эсын но вань. Соосыз калык азе гинэ возматыны ум быгатске.

Культурной ужез умой нуам'я социализмо хозяйство лэсьтон но азинске. Али тани культурной лэсьтиськон'я план тупатон ортчиз. Отын 900 муртлэсь ятыр участвоват каризы. Вань план'эсын столовой, ясли, детплощадка лэсьтныны учкемын. Колхоз кылдытэмлэсь азьвыл одйг ясли, площадка, столовой — öйвал.

2-3 ар талэсь азьвыл патефон сярсь вераськысь öйвал. Али вань колхоз'эсын вань. Велосипед но озьы ик. Плуг'эсыз урод шуо вал. Али геры быриз ни. Автомобиль гуртэтй кошкыкы вань калык учке вал, али асьсэос ворттыло. Музыка мылбэдэз жутэ. Талы асьмеос кулэ данлык ум сётиське на, музыкант'эслэсь азинскемзэс ум возматиське.

Асьме удмурт калык пöлысь но пöртэм специалист'эсы вань. Со,

калыклэсь культура ласань будэмзэ возматэ.

Вань (азинскем) ужмес учкыса, азьвыл ар'эсын чöшатыса, кыдэке азинскемын ни. Нош али вакытэн чöшатыны ум быгатке на. Кыдэке бере кылыськомы. Асьмеос культурно ужаны ум быгатске на. Нош озьы ужаса уж умой быдэс'яське.

Котыр улонэз тодыса улонэ. Гурт'эсын литература туж öжыт. Со, литература, библиотекаосын, лыдзон коркаосын, горд сарег'эсын но öжыт. Районной библиотека но, ужзэ али гинэ умолатыны кутскиз. Газет но журнал öжыт басытиськомы. Ранонамы 7 сюрс хозяйство, нош газет 3 сюрс кесэг гинэ лытэ. Вань хозяйствосы газет басытныны луонлык'эс вань, асьмеос сое исползовать карыны ум быгатиське.

Коты кыче ужын ушез кадр решать каре. Асьмеос адямиез умой дышетытэк, солы юрттытэк ужисытыз куштыськомы, мукетсэ кутском. Культурной фронтын ужасьёслэсь квалификациязэс йылтоно.

Культурно-просветительной ужлы сельсовет'эсын но колхоз'эсын но коньдон вань. Со коньдонэз кулээз'я, яке копак использовать ум кариське. Гожня сельсовет но та коньдонэз уже кутыны жаласа улэ. Асьмеос солэсь, коньдонэз понер кутэмлэсь, результат'эссэ ум адйиське, дун'яны ум быгатиське. Культурно-просветительной уж котыре массаосыз ум огазеаське, плантэк ужаськомы.

Али асьме районамы вина пöсьтон трос на. Нош солэсь кулэтэмзэ, солэсь уродзэ колхозницалы ум валэктиське. Комсомолец'эслэн но семьяосы пöсьтыло. Вина пöсьтон пыр пöртэм урод висён'эс вöлмо. Соин валлин куд-ог адямиос улонзэс но быдто. Асьмеос соослы кулэ юрттэт, валэктон сётыны ум быгатиське, вина пöсьтонлэсь уродзэ умой ум возматиське. У-юриин, Ильинский

## План быдэстэмын

Аксакшур сельсоветысь колхоз'эс нюлэс дасяны но ворттыны тупатэм планзэс 6 апрель азелы быдэстйзы. Дасян 100,7 процентлы, ворттон 100,3 процентлы быдэстэмын. Уж мынэ на.

Сплавлы дасяськыськомы.

Сельсовет—КАЛИСТРАТОВ.

## „Ношик преми басыто“

Иж нюлэс участкасысь десятик Гоголев сярсь газетын кылем арын но гожтэмын вал. Озьы ке но татысь кивалтисьёс Гоголевез вöптонтэм адями кожало.

31 мартэ, „Виль Кужым“ колхозлэсь валзэ сельсовет'эсы мыно шуса басытйз. Ачиз гуртаз бартыса юиз. 2 апреле ужасьёс доры лыктыса „малы уд ужаське“ шуэ. Ужасьёс пила тупатыны выро. Умой подпилка öвöл. Гоголев—толон пилонправ ветлйз, бригадирды юри урод пилаен ужатэ. Отпуской десятик Колотов ношкыче пилонправ öз ветлы шуэ. Озьы тини ст. десятик Гоголев алдаськыса но ужаны выре. Подпилка куриськод ке „Чуказе сёто“ шуэ. Озьы Гоголев ужзэ быдтэ но юны кошкэ.

Чуказеаз, 3 апреле, „Виль Кужым“ но „Удм. бубби“ колхоз'эслэн делянказы быриз. Десятникез возьмаса-возьмаса нуназэ ик кошкено луизы. Юэмез сярсь участокен кивалтисьёсыз уг оско. Алигес гинэ „15 лет Удмуртии“ колхозысь комсомолец'эс 167 номеро баракэ кунултыса ваизы. Озьы со ужан дырзэ но юндыр карса ортчытэ.

Нюлэс дасяныз куашватисьёс нюлэс организациосын но вань. Соосын тини Леспромхозэн кивалтисьёс ношкыче нюр'яскоя уг нуо. Тини та ст. десятик Гоголев, ношкыче возытэк „премия басытэк öй кыль на. Туэ но премия басыто“ шуэ.

Неужели Леспромхоз таке „активной“ ужасьёссэ но весь премировать каре?  
Т. М.

## Алексеев но Яканаев аналтско

„Красная-Бобья“ колхозлэн председателез но Яканаев бригадирез нюлэс дасяныз асьсэос куашкато. Колхозлэн нюлэс дасян планэз 30% -лы гинэ быдэстэмын. Ужасьёс нунал пормазэс 50 процентозь гинэ быдэс'яло. 2 — 3 нунал ужаса бер-

то. Колхоз кизёнлы но умой-умой дась öвöл на. Колхозэн кивалтисьёс нюлэс дасянызэ кулэлыкэ али но öз валалэ. Сельсовет кивалтисьёс таке ужез тодыса вылысь ношкыче ужрад уг кутэ.  
А.

## Афанасьев аслыз карны тырше

„Горд пэлыга“ колхозлэн нюлэс дасян бордын ужась бригадирез, Афанасьев Ф. котымае аслыз карны тырше. Ужасьёс тамак, сахар басытныны ёрмыса ужамысь кошкыло. Нош Афанасьев коньдон тырон сярсь уг сюлмаськы.

Колхозник'эслэн, шутэтскон дыр'я, газет лыдземзы потэ. Нош Афанасьев газет'эсыз басытыса гуртаз нуэ.

Колхоз правленилы Афанасьевез умой ужаны косоно.

Ал. К.

## Сидоров юэмьсы уг дугды

„Виль ужась“ колхоз (Аксакшур сельсовет) нюлэс дасяныз уг быдэс'я шуса гож'ямын вал ни. Озьы ке но уж уг азинскы. Стахановской декада кутскемен валче Сидоров уката юны кутскиз. 30 мартэ Кечол лапкэлэсь укноосэ но сöрылйз.

Вас. С.

## Скворцы

Скоро песни звонкие  
Прогремят во все концы.  
Голосами тонкими  
Любо запоют скворцы.

Скворушки хорошие  
Прилетят в цветущий край.  
Усердные помощники  
За высокий урожай.

Шумят леса сосновые  
Как хорошо сейчас!  
В садах уже готовые  
Скворешники для вас.

Снежок от солнца прячется  
На речке тает лед.  
Летите же пернатые  
Мы встретим ваш прилет!

С. Бабурин.

## 1200 гектар понна

Гожня МТС-ын алигес профсоюзной собрани ортгиз. Собраниян директор, ар кусын ужам сарись отчет лэстиз.

Собраниян Иж районысь орденоносец Халявин но вал. Со кылем арын ужамез сарись опытсэ вераз. Халявин 1935 арын 1100 гектар гирыны быгатиз. Туэ со, Халявин, 1500 га гирыны обязательство бастиз.

Тракторист'ес быдэн 1200 га гирыны обязательство бастизы. Тракторист Ураков 5400 кг. горючей экономить каро шуиз. Собраниян

Матвеев но Баранов тракторист'ес премировать каремын. МТС Иж районысь МТС-эн социализмо чоматскыса ужаны выльсь договор гожтиз. Отын стахановец'еслы умой услови кылдытон, тракторист'ес полын культурной ужез умой пуктон сарись верамын. Гужем уж'есыз быдэс'якы газет шара лыдылоно. Борд газет'ес поттылоно. Бригадаосы одно ик музыка но мукет сычеос бастыноно.

Кизёнлы дасяськонэз вань колхоз'есын али ик быдэс'яно.

Мандрыгин.

## „Горд пельга“ колхозын кизыны уг малпало

Кизёнлы дасяськон стахановской декадник ортче ни, нош „Горд пельга“ колхозын та уж борды оз кутскылэ на. Кыед поттымтэ. Спес, уробо тйрлык тупатымтэ. Озы тйни „Горд пельга“ колхозын урожай

ылтон сарись Сталин эплэс указаниэз быдэс'яны ик уг малпало.

В-Монья сельсоветлы та колхозысь ужез али ик эскероно. Кизёнлы дасяськонэз 2-3 нувалскын быдэстоно.

Петров А. Г.

## Бригада Паши Ангелиной закончила сев ранних яровых

СТАРОБЕШЕВО, 4. Тракторная бригада орденоноска Паши Ангелиной вчера полностью закончила сев ранних зерновых культур. Посеяно 32 га, прокультивировано 128 га, заборонено в 1 ряд 836 га. По-

левые работы проведены доброкачественно. Сейчас вся бригада полностью переключилась на сев подсолнуха и подготовку почвы под поздние культуры.

## Пудо вордон

### Ферма арысь-аре йылэ

„Ленино“ колхозын, 1932 арын, 8 парсен ферма кылдытэмын вал. Али фермаын 25 мумы парсь. Ваньмыз 173 йыр. 12 парсь пияно. Ферма азыланьзэ но умой ужаз ке туэ ик парсьес ог 400 йыр луозы.

Фермалэсь ужзэ умой пуктон понна А. Н. Фофанов сюдымысь ужа. Соны 46 арес. Тодонлыксэ йылтыны тырше. РКШын „отлично“ отметкаосын дышетскыса потиз. 1 апрельсён Фофанов ужаны кутскиз.

6 толэзь кусын 18 парсьиос быризы. Фофанов урод уж'есыз соны ик адзиз но палэнтиз. „Дышетскыны шуг вал. Озы ке но умой дышетски. Таре пудо вордон бордын эшшо но умой ужало“, шуэ Фофанов. Азыл ферма ноныче пайда уз сёты шуо вал. Умой ужез адзиса колхозник'ес ужзэс умой быдэс'яны тыршо ни. Колхозлэн председателэз, Кочин, пудо вордо-

наз яратэ, Али свинарникэз лэстотон борды кутскиз ни.

Парсь вордон бордын М. Печина, А. Фофанова, М. Симбаева но Ф. Шутова кохозницаос умой ужало.

Фермаез доходной карон, районнын нырисетй раде поттон выльсь Фофанов нюр'яське. Ляб интыосыз быдтон понна Александр Николаевич таце мероприятиосыз ортчытны план тупатиз: 10 апрельсэ 12 мумы парсьлы висэт лэстыно. (виль свинарникын). Сюдон план лэстыно. Парсь утылтисьсын, 3 ар ужан выльсь, договор гожтоно.

Скал но вал утылтисьсэ полын зоотехникалы дышетсконэз умой организовать кароно. Та ужез Фофанов ачиз нуныны быгатоз ни.

Фофанов „Кадры решают все“ — Сталинлэсь лозунгзэ тодэ. Ужез валась кадр'есын гинэ пудо вордоннын бадзым вормон'ес бастыны быгатод.

Осокин Ф. И.

## Мальцевлэн бурд улаз

„Красный воин“ колхозын ферма вань. Татын скал кыскысь Николаева ужа. Скал'ессэ кыскытэк, сюдытэк кельтылэ. Колхоз правление верано ке—Мальцев сюдымын, кыскемын шуэ. Озы пуамен Николаева нокилэсь кышкытэк, выльськытэк ужа.

Фермалэсь ужзэ одно умятоно.

Н. С.

## Лыдэ уг басты

„Прогресс“ колхозын ферма вань. Фермаын уж ляб пуктэмын. Фермалэн завез, Турцев Гр. скал'есыз кёня литр йёл сёто—уг тоды.

Колхоз правлени пудо вордонэз вакытэн вакытэн гинэ тодаз вайылэ.

Ш. И.

## Происшествие

„Пастухово“ колхозын, 4 апреле 4 часын чукна МТФ сутскиз.

12 йыр пудо быриз. Убыткаос 20850 манетлы лыд'ясько. Ужум эскериське

## Яган кооперациын уж азинске

Яганьсь ужасьслэн кооперативыста берпум 1-2 ар'эсы ужзэ умятны кутскиз. 1935 ар кусын вуз берык'яськон 148 процентлы быдэстэмын, нош 1934 арэн чоматыса 290 процентлы йылэмын. Паевой взнос люкан 116 процентлы быдэстэмын. Кооперативлэн аслаз коньдонэз 1935 ар кусын 11 скорс манетлы йылэз. Туэ, 1 кварталын вуз берык'яськон 115 процентлы быдэстэмын. Озы ик паевой взнос но ваньмыз люкамын.

План'я вуз берык'яськон 22 нуналозь тупатэмын. Ужасьслэн кулэаскызы вуз нуллэмен тагын вуз 6-8 нувалскын вузаське. Кооперациен А. А. Попова кивалтэ. Со ноябрь толэзисен (1934 ар) аслэстыз ужзэ быдэс'яны дышиз ни.

Попова ужаны кутскем тырись одиг расрата но өвёл. Кылем

сийзыл нянен вузкарьсь выручкаоныз станция кошкемез вал ни. Сое пайщик'эс кутизы. Попова ас котыраз юн актив кылдытныны быгатиз. Озы тйни растратчик'эс дыраз шараско. Озы луса быдэс республикамы одиг рабкооп гинэ растратэк ужа.

Отчетно-перевыборной кампанийн вань пайщик'эс оз участвовать каре. Озы ке но собрани туж активно ортгиз.

Собраниян, азыланьзэ ужез умой пуктон выльсь уно указаниос сётызы. Нырись ик бадзым магазин лэстыно. Культурно вуз кароно. Озы ик столовойлэсь ужзэ умятоно. Пайщик'эс—шолк, пёртгэм дуно бэсьма, сион-юон нуллыны косызы.

Яганьсь коопераци районьсь вань сельпоослы ужаны пример возматэ.

Главатских Г. В.

## Уж али но урод

Буран сельпо хлебозакупочной фондзэ, тус-тас каре шуса гож'ямын вал ни. Сельпо ужзэ али не уг умяты. Мануфактура, пыд кутчан но мукет сыче вуз али но тодмоос'я кошкэ.

Сельполэсь ужзэ кин-о умятоз!

## Отчетной кампани ляб ортгиз

Н-бурян сельсоветын сельполэн отчетной собраниосыз чидантэм ляб ортгиз. Сельпо (Ожмосын) ас уполномоченнойсылэсь ужзэс оз эскерилы. Собраниясын ноныче самокритика ой вал.

Симанов.

## „Совет'еслы 1936 арын конкурс-чошатскон ортчытон сарысь“ Советской Союзысь ЦИК-лэсь 1936 арын 17 февралэ пуктэмзэ отменить карон сарысь

Советской Союзысь Центральной Исполнительной Комитетлэн пуктэмзэ Советской Союзысь Центральной Исполнительной комитет пуктэ „Совет'еслы 1936 арын конкурс-чошатскон ортчытон сарысь“ Советской Союзысь ЦИК-лэсь 17 февралэ 1936 арын пуктэмзэ отменить кароно.

Советской Союзысь ЦИК-лэн председателэз — М. Калинин Советской Союзысь ЦИК-лэн секретарэз интые — И. Уншлихт Москва, Кремль. 29 март 1936 ар.

## Подготовка к первомайскому празднику

Президиум ВЦСПС принял постановление о подготовке к первомайскому празднику.

Первомайский праздник стахановского года, — говорится в постановлении, — должен быть ознаменован новыми крупными победами на всех участках социалистического строительства.

Президиум ВЦСПС предложил всем профорганизациям закончить к 29 апреля — дню 7 годовщины социалистического соревнования — начатую в марте массовую провер-

ку реализации постановления президиума ВЦСПС о выполнении решений декабрьского Пленума ЦК ВКП(б) по стахановскому движению.

Необходимо широко развернуть индивидуальное, групповое и бригадное социалистическое соревнование на быстрейшее освоение новых норм, организовать передачу опыта стахановской работы тем рабочим, которые еще не научились работать по-стахановски.

## 80.302 вагона в сутки

В январе ежесуточная погрузка железных дорог Советского Союза составила 77.603 вагона и в феврале 76.361 вагон. В марте погрузка достигла в среднем в сутки 86.694 ва-

гона — 144 проц. плана. Таким образом, в среднем за 1-й квартал ежесуточная погрузка составила 80.302 вагона, 108,5 проц. плана.

## Политической ужпум'я 300 мурт арестовать каремын

Варшава 4. Официальной „Газета Польскалэн“ ивортэмез'я, арестовать карем'эслэн лыдзы Варшаваын гинэ 300-лы вуэмын. Со газет-

лэн ик ивортэмез'я, Варшаваын ик кык коммунистической демонстрациос ортчымын. 15 мурт демонстрант'эс арестовать каремын.

## Спекулянт'эс

„Буденный“ колхозысь сельсоветлэн членэз П. Быков но солэн воштысез Е. Пушкарев нянен спе-

кулянить каро. Агрызись бастыса Ижын вузало.

Ар.